

ত্রিপুরা সরকার
তথ্য ও সংস্কৃতি অধিকার

স-৫১৩৫

আগরতলা, ১১ মার্চ, ২০২৪

চা শিল্পের বিকাশে আগরতলায় ওপেন ক্রস কান্টি দৌড় প্রতিযোগিতা

রাজ্যের চা শিল্পের বিকাশে আজ আগরতলায় এক ওপেন ক্রস কান্টি দৌড় প্রতিযোগিতা অনুষ্ঠিত হয়। ত্রিপুরা চা উন্নয়ন নিগম লিমিটেড এবং ভারতীয় চা পর্ষদ যৌথভাবে এই দৌড় প্রতিযোগিতার আয়োজন করে। এতে বালক বিভাগের ৫ কিলোমিটার দৌড় প্রতিযোগিতায় ৭৬ জন এবং বালিকা বিভাগের ৩ কিলোমিটার দৌড় প্রতিযোগিতায় ৪৭ জন খেলোয়াড় অংশ নেন। সকালে পতাকা নেড়ে বীরচন্দ্র স্টেট সেন্ট্রাল লাইব্রেরির প্রাঙ্গন থেকে এই দৌড় প্রতিযোগিতার সূচনা করেন আগরতলা পুর নিগমের মেয়র দীপক মজুমদার। অনুষ্ঠানে তিনি বলেন, রাজ্য চা শিল্পের প্রাচীন ঐতিহ্য রয়েছে। ২০১৮ সালে নতুন সরকার ক্ষমতায় আসার পর রাজ্য সরকার সমস্ত দপ্তর ও নিগমের উন্নয়নে গুরুত্ব দিয়েছে। বর্তমানে গণবন্টন ব্যবস্থায় প্রত্যেক ঘরে চাপাতা পৌছানোর উদ্যোগ গ্রহণ করা হয়েছে। ত্রিপুরার চায়ের ‘ত্রিপুরেশ্বরী ব্র্যান্ড’ তৈরী করা হয়েছে। তিনি বলেন, রাজ্য চা শিল্পের সাথে যে সকল শ্রমিক যুক্ত রয়েছেন, যারা দীর্ঘকাল বঞ্চিত ছিলেন তাদের মজুরী বৃদ্ধিসহ আবাসন নির্মাণ ও আর্থ সামাজিক মান উন্নয়নে রাজ্য সরকার বিভিন্ন প্রকল্প গ্রহণ করেছে।

অনুষ্ঠানের অন্যান্যদের মধ্যে বক্তব্য রাখেন ত্রিপুরা চা উন্নয়ন নিগম লিমিটেডের প্রাক্তন চেয়ারম্যান সন্তোষ সাহা। স্বাগত বক্তব্য রাখেন ত্রিপুরা চা উন্নয়ন নিগম লিমিটেডের চেয়ারম্যান সমীর রঞ্জন ঘোষ। উপস্থিত ছিলেন নিগমের বোর্ড অব ডাইরেক্টর সলিল রায় চৌধুরী, স্বরাজ সরকার, যুব বিষয়ক ও ক্রীড়া দপ্তরের অধিকর্তা সত্যোর্জন নাথ, ত্রিপুরা চা উন্নয়ন নিগম লিমিটেডের ম্যানেজিং ডাইরেক্টর মানিক লাল দাস, ত্রিপুরা ক্রীড়া পর্ষদের যুগ্ম সচিব স্বপন সাহা প্রমুখ। উভয় বিভাগের প্রতিযোগিতায় যারা ১ম, ২য়, ৩য় ও ৪র্থ স্থান অর্জন করেছে তাদের যথাক্রমে ৩৫০০ টাকা, ২৫০০ টাকা, ২০০০ টাকা, ১৫০০ টাকা ও ট্রফি দেওয়া হয়। এছাড়া দু'টি বিভাগের আরও ৬ জন করে খেলোয়াড়কে জনপ্রতি ১০০০ টাকা করে পুরস্কৃত করা হয়। অতিথিগণ তাদের হাতে পুরস্কার তুলে দেন।
